

Kreis

üdinghausen

5.32

1289 März 2 [1290 Febr. 22]. Kirchhof Hamm.

[2]

Sweber Beyger überträgt dem Dietrich von Aquaf und dessen Sohn Dietrich mehrere Zehntene (über Aquaf s. Schweters, „Östl. Teil“ S. 207 ff.).

Ea que aguntur coram hominibus, ne a posteris infirmentur, solent testium et literarum testimonio perhennari. Pateat igitur inspectoribus tam presentibus

quam futuris, quod Svederus dictus Beyger contulit Theoderico de Aewic et Thiderico filio suo decimam duorum solidorum Monasteriensium cum minuta decima, que *afhoste* dicitur, in manso ipsius Thiderici Aewic suo jure pheodali perpetuo possidam necnon uxori sue Alheydi ejusdem decime contulit usufructum. Preterea contulit Johanni de Aewic et Henrico filio suo in manso, quem idem Johannes possidet, decimam XVI denariorum Monasteriensium cum minuta ejus decima, que vulgariter *afhoste* appellatur, tenenda in pheodo perpetuo et uxori sue Elizabeht porrexit prefate decime expressius usufructum. Ad huius collationis evidentiam firmiores presens scriptum sigillo militis Wesceli de Galen est munitum ad preces partium hinc inde. Actum in cimiterio Hammonensis opidi anno incarnationis Domini M^oCC^oLXXX^o nona feria quarta ante dominicam, qua cantatur Reminiscere.

Testes sunt: Pil, tunc pro tempore iudex predicti opidi, Gerewinus de Rinckenrod, Tidericus Harma, Andreas Marscalei, Gotschaleus de Hesnen, Everhardus de Herborne, Lambertus de Mersche, Gherhardus Cnippine, milites. Gerewinus Bernecole, Ditmarus Dives, Tidericus Rogge, Johannes Mas, Johannes de Voswinkele, Hermannus de Berstrate, Lambertus Hake, Volmarus de Aewic et filius suus Hermannus, Hermannus de Aewic in Hammone, Hermannus Luscus, Johannes Themonis, Hermannus de Berle, Volmarus Pistor de Aewic, Gotfridus de Tunne et Johannes dictus Slip cum aliis fide dignis.

Begläubigte Abschrift des 18. Jhdts. nach dem Original, das laut beiliegendem Zettel zu Aquaf war; das Siegel fehlte.